

13. Reversis ambasciatoribus omnes tam clerici quam layci numero tria milia ad Sancti Salvatoris de Septimo monasterium ordinis sancti Benedicti convenerunt et superesse implorandum igne divinum iudicium decreverunt. Et ut eis altissimus ad hoc sufficientem daret monacum, multa copia lacrimarum ei communiter et divisim oratione devotissima supplicarunt. Tunc divinitus inspirati communi concordia dompnus Petrum virum sanctitatis magne ad hoc elegerunt, et quo loco et die fieri debeat ordinare et populo astanti nunciare nullatenus neglexerunt.

14. *Fiunt statim a populo due strues lignorum altrinsecus iuxta se posite*³⁶, longitudo cuiuslibet decem pedum, altitudo quatuor, inter utrasque via unus brachi derelicta lignis siccis cooperta peroptime omni parte, scilicet quarta feria prime ebdomade maioris quadragesime³⁷.

Congregatis in ecclesia dompnus Petrus ingressurus per ignem ad celebrandum se parat, et populus numero tria milium dei acclamare clementiam multis lacrimis non formidat. Cantata missa devotione mirabili usque ad Agnus Dei, sumpto pacis osculo, duodecim monachi duodecim cereos accensos igne benedicto in manibus deferentes, cruce precedente, aqua benedicta et fumigante thuribulo, predictis catastis ignem immiserunt et ut preberent auditum omnibus suplicarunt.

Tunc unus abbatum clamorosus in voce in eminenti ascendit et sic cunctis audientibus magno silentio nunciavit: „Ut nostis, inter nos et Petrum sacrilegum, qui se dicit Florentinum episcopum, diu questio ventilata fuit, et nullus vivens super hoc remedium dedit. Modo in vestri presentia dei decrevimus implorare clementiam, ut, si – ut dicimus – episcopus^z est symoniacus, monachus hic, qui nunc nobis presentibus est transiturus per^a ignem^a, illesus transeat. Quod si non, divina iusticia [eum] impunitum in sui^b honorem et nostri confusionem eum transire non sinat, sed eum puniat prout decet protervia sui status“.

Hiis dictis de ecclesia precedente cruce duodecim monaci cum duodecim cereis accensis in manibus igne benedicto et fumigante thuribulo, dompnus Petrus solum casula deposita, crucem manu tenens seque^c ipsa consignans^c, nudis pedibus ignem intraturus accessit et coram multitudine populi tri-

z) von zweiter Hand am Rand.
copi.

a) von zweiter Hand am Rand.
c-c) von zweiter Hand auf Rasur.

b) nämlich epis-

³⁶⁾ Andreas, Vita S. Ioh. Gualb., MGH SS 30, 2 S. 1098; Hatto, Vita S. Ioh. Gualb., Migne PL 146, Sp. 695; G. M i c c o l i (wie Anm. 31) S. 152.

³⁷⁾ 13. Februar 1068.